

БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ
ДОМ НАРОДА

Комисија за спољну и трговинску
политику, царине, саобраћај и
комуникације



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
DOM NARODA

Komisija za vanjsku i trgovinsku
politiku, carine, saobraćaj i komunikacije
Povjerenstvo za vanjsku i trgovinsku
politiku, carine, promet i veze

Broj: 02/2-50-8-23-38/18
Sarajevo, 25.1.2018.

PREDSJEDAVALJUĆEM DOMA NARODA
PARLAMENTARNE SKUPŠTINE
BOSNE I HERCEGOVINE

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO 25-01-2018


Organizaciona jedinica	Klasifikaciona oznaka	Redni broj	Broj priloga
02/2-	50-6-	259/18	

PREDMET: Izvještaj o radu Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine Bosne i Hercegovine za 2017. godinu, -dostavlja se,

Na osnovu člana 27. stava (2) Poslovnika Doma naroda Parlamentarne skupštine Bosne i Hercegovine ("Službeni glasnik BiH", br. 58/14, 88/15, 96/15 i 53/16), i u skladu sa Uputstvom o metodologiji izrade izvještaja o radu komisija Parlamentarne skupštine Bosne i Hercegovine (broj: 01,02-02-4-574-1/13 od 10.04.2014.) u prilogu dostavljamo Izvještaj o radu Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine Bosne i Hercegovine za 2017. godinu.

Izvještaj je razmatran i usvojen na 38. sjednici Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine Bosne i Hercegovine, održanoj 25.1.2018. godine.

S poštovanjem,



DOSTAVLJENO:

-Naslovu,
-a/a.

**БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ**

ДОМ НАРОДА

Комисија за спољну и трговинску
политику, царине, саобраћај и
комуникације



**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE**

DOM NARODA

Komisija za vanjsku i trgovinsku
politiku, carine, saobraćaj i komunikacije
Povjerenstvo za vanjsku i trgovinsku
politiku, carine, promet i veze

Broj: 02/2-50-8-23-38/18

Sarajevo, 25.1.2018.

**IZVJEŠTAJ O RADU
KOMISIJE ZA VANJSKU I TRGOVINSKU POLITIKU, CARINE,
SAOBRAĆAJ I KOMUNIKACIJE
DOMA NARODA
PARLAMENTARNE SKUPŠTINE BOSNE I HERCEGOVINE
ZA PERIOD OD 1.1. DO 31.12.2017.**

Sarajevo, januar 2018.

Sadržaj

UVOD

POGLAVLJE I. Sjednice Komisije

ODJELJAK A. Statistički podaci o sjednicama

ODJELJAK B. Zakonodavne aktivnosti

ODJELJAK C. Međunarodni sporazumi

ODJELJAK D. Godišnji izvještaji

ODJELJAK E. Imenovanja

ODJELJAK F. Izvještaji o međunarodnim aktivnostima

ODJELJAK G. Ostali izvještaji i informacije

POGLAVLJE II. Ostale aktivnosti Komisije

ODJELJAK A. Tematske rasprave

ODJELJAK B. Međunarodne aktivnosti

POGLAVLJE III. Rezime

Prilozi

Na osnovu člana 27. stav (2) Poslovnika Doma naroda Parlamentarne skupštine Bosne i Hercegovine ("Službeni glasnik BiH", br. 58/14, 88/15, 96/15 i 53/16) i u skladu s Uputstvom o metodologiji izrade izvještaja o radu komisija Parlamentarne skupštine Bosne i Hercegovine (broj: 01,02-02-4-574-1/13, od 10.4.2014.), Komisija za vanjsku i trgovinsku politiku, carine, saobraćaj i komunikacije Doma naroda Parlamentarne skupštine Bosne i Hercegovine podnosi Domu naroda Parlamentarne skupštine Bosne i Hercegovine sljedeći

IZVJEŠTAJ O RADU

(za period od 1.1.2017. do 31.12.2017.)

Uvodne napomene

Osnovni cilj rada Komisije u izvještajnom periodu bio je da osigura kvalitetnu pripremu rada Doma naroda i što bolje i efikasnije funkcioniranje Doma, a time i Parlamentarne skupštine BiH, provođenjem općih opredjeljenja određenih Ustavom BiH i Dejtonskim mirovnim sporazumom, te politikom koju su utvrdili Predsjedništvo BiH, Vijeće ministara BiH i Parlamentarna skupština BiH, kao i ulogom i zadacima Doma naroda Parlamentarne skupštine BiH.

U skladu s članom 40. Poslovnika Doma naroda Parlamentarne skupštine BiH, Komisija za vanjsku i trgovinsku politiku, carine, saobraćaj i komunikacije:

- prati vođenje vanjske politike koju su utvrdili Predsjedništvo BiH i Vijeće ministara BiH;
- razmatra pitanja saradnje BiH s Ujedinjenim narodima i međunarodnom zajednicom;
- razmatra pitanja međuparlamentarne saradnje s odgovarajućim komisijama parlamenata drugih zemalja;
- razmatra pitanja saradnje s Vijećem Evrope, Interparlamentarnom unijom, Centralnoevropskom inicijativom i Organizacijom za sigurnost i saradnju u Evropi, te drugim međunarodnim organizacijama;
- razmatra pitanja rada s institucijama BiH kompetentnim za pitanja vanjskih poslova i međunarodnih odnosa;
- razmatra aktivnosti stalnih ili privremenih delegacija Parlamentarne skupštine BiH u međuparlamentarnim institucijama;
- razmatra pitanja saglasnosti za ratificiranje međunarodnih ugovora, sporazuma i konvencija;
- razmatra pitanja otkazivanja međunarodnih ugovora, sporazuma i konvencija;
- razmatra pitanja koja se odnose na vanjskotrgovinsku politiku;
- razmatra pitanja koja se odnose na sporazume o međunarodnoj trgovini;
- razmatra pitanja koja se odnose na carinsku politiku;
- razmatra pitanja koja se odnose na tarife, propise i zakone iz svoje oblasti;
- razmatra pitanja koja se odnose na međunarodne obaveze BiH;

- razmatra odnose s međunarodnim trgovinskim institucijama;
- razmatra pitanja koja se odnose na putne isprave;
- razmatra pitanja koja se odnose na boravak i kretanje stranaca;
- razmatra pitanja koja se odnose na uspostavljanje i funkcioniranje zajedničkih i međunarodnih komunikacija;
- razmatra pitanja koja se odnose na reguliranje međuentitetskog saobraćaja;
- razmatra pitanja koja se odnose na kontrolu zračnog saobraćaja;
- razmatra pitanja koja se odnose na kontrolu frekvencija;
- razmatra i druga pitanja iz oblasti međunarodnih i vanjskih poslova, vanjske trgovine, carina, saobraćaja i komunikacija.

POGLAVLJE I. SJEDNICE KOMISIJE

Odjeljak A. Statistički podaci o sjednicama

Kako je predviđeno Odjeljkom C. (Opće odredbe o komisijama Doma), članom 26. stav (2) Poslovnika Doma naroda Parlamentarne skupštine BiH: “Stalne komisije imaju šest članova, dok privremene komisije Doma mogu imati do šest članova. Komisije se popunjavaju srazmjerno klubovima naroda u Domu, od kojih su dvije trećine članova izabrani s teritorije Federacije BiH, a jedna trećina s teritorije Republike Srpske.”

U skladu s tim, članovi Komisije za vanjsku i trgovinsku politiku, carine, saobraćaj i komunikacije Doma naroda tokom 2017. godine bili su: Nebojša Radmanović, predsjedavajući, Sead Kadić, prvi zamjenik, i Mario Karamatić, drugi zamjenik predsjedavajućeg, Ognjen Tadić, Martin Raguz i Fahrudin Radončić, članovi.

Sjednicu Komisije saziva predsjedavajući Komisije, u skladu s članom 30. Poslovnika, i to, u pravilu, pet dana prije održavanja sjednice, osim ako ne postoje opravdani razlozi za njeno sazivanje u kraćem vremenu.

Predsjedavajući Komisije, u saradnji sa sekretarom, organizira rad Komisije. Za svaku godinu priprema se radni plan, čiji su sadržaj i rokovi za realiziranje postavljeni okvirno, prema očekivanim aktivnostima na nivou Bosne i Hercegovine i prema potrebnoj koordinaciji s drugim tijelima nadležnim za vanjsku i trgovinsku politiku, carine, saobraćaj i komunikacije. Moguće je pomjerati rokove za razmatranje pitanja iz plana, zavisno od vremena dospijevanja materijala od nadležnih institucija, sa osnovnim ciljem da se materijali što kraće zadržavaju u Komisiji i u parlamentarnoj proceduri. Datumi održavanja svake sjednice, te prisustvo članova Komisije sjednicama mogu se vidjeti u tabelarnom prikazu (prilog).

Od septembra 2017. godine, Nebojša Radmanović nije učestvovao u radu Komisije, jer je podnio ostavku na mjesto člana i predsjedavajućeg Komisije, tako da je 34., 35., 36. i 37. sjednicu u odsustvu predsjedavajućeg Komisije sazivao i vodio prvi zamjenik predsjedavajućeg Komisije Sead Kadić.

Zavisno od dnevnog reda, odnosno broja materijala čije je razmatranje predviđeno za određenu sjednicu, određuje se i vrijeme trajanja sjednice. Treba napomenuti da se nikada tačno ne određuje trenutak završetka određene sjednice Komisije za vanjsku i trgovinsku politiku, carine, saobraćaj i komunikacije. Naime, uvijek se omogućava i ostavlja dovoljno vremena izvjestiocima, predlagačima i članovima Komisije da iskažu svoje mišljenje, stav ili postavu pitanje u vezi s materijalom o kojem se raspravlja.

Komisija je u izvještajnom periodu održala deset (10) sjednica:

- 28. sjednica	31.1.	12 tačaka dnevnog reda
- 29. sjednica	6.4.	21 tačka dnevnog reda
- 30. sjednica	3.5.	13 tačaka dnevnog reda
- 31. sjednica	25.5.	10 tačaka dnevnog reda
- 32. sjednica	29.6.	8 tačaka dnevnog reda
- 33. sjednica	17.7.	8 tačaka dnevnog reda
- 34. sjednica	27.9.	9 tačaka dnevnog reda
- 35. sjednica	7.11.	4 tačke dnevnog reda
- 36. sjednica	7.12.	5 tačaka dnevnog reda
- 37. sjednica	22.12.	24 tačke dnevnog reda

Na sjednicama Komisije razmatrano je ukupno 114 tačka dnevnog reda, što je u prosjeku 11 tačaka po sjednici.

Komisiju u njenom radu opslužuje Ured sekretara Komisije. Opći i posebni poslovi koje obavlja Ured sekretara Komisije regulirani su čl. 21. i 29. Pravilnika o unutrašnjoj organizaciji i sistematizaciji radnih mjesta u Sekretarijatu Parlamentarne skupštine BiH. Aktivnosti na sjednici bilježi sekretar Komisije. U saradnji s predsjedavajućim, sekretar Komisije izrađuje zapisnik koji članovi Komisije usvajaju, u pravilu, na narednoj zakazanoj sjednici.

U Uredu sekretara zaposlena su tri državna službenika: sekretar Komisije (Nenad Pandurević), stručna savjetnica (Kristina Milošević) i stručna saradnica (Dobrinka Savić).

Odjeljak B. Zakonodavne aktivnosti

U izvještajnom periodu Komisija je razmatrala četiri prijedloga zakona, i to:

1. Prijedlog zakona o izmjenama i dopunama Zakona o međunarodnom i međuentitetskom drumskom prijevozu, predlagač: Vijeće ministara BiH,

2. Prijedlog zakona o izmjeni Zakona o Javnom radiotelevizijskom sistemu Bosne i Hercegovine, predlagač: Predstavnički dom Parlamentarne skupštine Bosne i Hercegovine,
3. Prijedlog zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini, predlagač: Predstavnički dom Parlamentarne skupštine Bosne i Hercegovine,
4. Prijedlog zakona o izmjenama Zakona o osnovama sigurnosti saobraćaja na putevima u Bosni i Hercegovini, predlagač: Predstavnički dom Parlamentarne skupštine BiH.

Prijedlog zakona o izmjeni Zakona o Javnom radiotelevizijskom sistemu Bosne i Hercegovine razmatran je u Komisiji u prvoj fazi. Komisija nije podržala principe Prijedloga zakona. Dom naroda PSBiH je na 28. sjednici, održanoj 4.5.2017., razmatrao navedeni Prijedlog zakona o Javnom radiotelevizijskom sistemu Bosne i Hercegovine, ali ga nije usvojio. Na prijedlog Komisije, Dom narod je na toj sjednici usvojio zaključak: „*Dom naroda Parlamentarne skupštine BiH zahtijeva od Vijeća ministara BiH, Ministarstva komunikacija i prometa BiH i Upravnog odbora BHRT-a da hitno pristupe realizaciji zaključaka koje je Dom naroda usvojio na 12. i 13. sjednici, održanim 10.12.2015., odnosno 30.12.2015.*“

Ostala tri prijedloga zakona: Prijedlog zakona o izmjenama i dopunama Zakona o međunarodnom i međuentitetskom drumskom prijevozu, Prijedlog zakona o izmjenama Zakona o osnovama sigurnosti saobraćaja na putevima u Bosni i Hercegovini i Prijedlog zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini razmatrana su u Komisiji u oba čitanja.

Prilikom razmatranja navedena tri zakona u prvoj i drugoj komisijskoj fazi, Domu naroda su blagovremeno dostavljena mišljenja, odnosno izvještaji i obavljene sve aktivnosti u vezi s podnošenjem amandmana.

Dom naroda Parlamentarne skupštine na 31. sjednici, održanoj 20.7.2017., nije usvojio Prijedlog zakona o izmjenama i dopunama Zakona o međunarodnom i međuentitetskom drumskom prijevozu.

Prijedlog zakona o izmjenama Zakona o osnovama sigurnosti saobraćaja na putevima u Bosni i Hercegovini, čiji je predlagač poslanik u Predstavničkom domu PSBiH Momčilo Novaković, usvojen je u Domu naroda PSBiH na 33. sjednici, održanoj 8.11.2017., a Prijedlog zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini, čiji je predlagač poslanik u Predstavničkom domu Damir Arnaut, usvojen je u Domu naroda na 34. sjednici, održanoj 7.12.2017.

Na osnovu Programa rada Vijeća ministara BiH za 2017., a koji je poslužio kao osnov za izradu Orijentacionog plana Komisije za 2017. godinu, bilo je predviđeno da u parlamentarnu proceduru bude upućeno ukupno 14 prijedloga zakona iz nadležnosti Komisije.

Dakle, u parlamentarnu proceduru nisu dostavljeni, iako su bili predviđeni Planom rada Vijeća ministara za 2017. godinu, sljedeći prijedlozi zakona: *Prijedlog zakona o postupku zaključivanja i izvršavanja međunarodnih ugovora, Prijedlog zakona o veterinarstvu u Bosni i Hercegovini, Prijedlog zakona o uslovima pod kojima strani državljani mogu glasati na teritoriji Bosne i Hercegovine, Prijedlog zakona o civilnom zrakoplovstvu, Prijedlog zakona o vršenju vanjskih poslova, Prijedlog zakona o prijenosu, regulatoru i unutrašnjem tržištu, operateru sistema električne energije, Prijedlog zakona o poljoprivredi, ishrani i ruralnom razvoju Bosne i Hercegovine, Prijedlog zakona o hrani, Prijedlog zakona o elektronskim medijima u BiH, Prijedlog zakona o elektronskim komunikacijama, Prijedlog zakona o poštanskim uslugama Bosne i Hercegovine, Prijedlog zakona o Javnom radiotelevizijskom sistemu BiH i Prijedlog zakona o elektronskom potpisu.*

Odjeljak C. Međunarodni sporazumi

U navedenom periodu ukupno je razmatran 61 međunarodni pravni akt. Kompletan spisak je u prilogu Izvještaja.

Nadležna ministarstva blagovremeno su obavještavana o razmatranju sporazuma iz njihove nadležnosti i njihovi predstavnici prisustvovali su sjednicama Komisije.

Za sve međunarodne ugovore razmatrane na sjednicama Komisija je blagovremeno dostavila izvještaje Domu naroda s prijedlogom Komisije za davanje saglasnosti za ratifikaciju, odnosno otkazivanje međunarodnog sporazuma. Za 60 ugovora radilo se o davanju saglasnosti za ratifikaciju, dok je u slučaju Konvencije broj 45 o podzemnom radu (žene) iz 1935. godine, Međunarodne organizacije rada, data saglasnost za otkazivanje.

Odjeljak D. Godišnji izvještaji

U toku 2017. godine na sjednicama Komisije razmatrani su sljedeći izvještaji o aktivnostima institucija BiH koje spadaju u nadležnost Komisije, i to:

1. Izvještaj o radu Upravnog odbora Izvozno-kreditne agencije BiH za 2016. godinu,
2. Izvještaj o radu i poslovanju BHRT-a za 2016. godinu i Izvještaj o realizaciji programskih planova BHT1, BH Radija 1, Muzičke produkcije BHRT-a i Portala BHRT-a za 2016. godinu, Finansijski plan BHRT-a za 2017. godinu, kao i programske planove BHT1, BH Radija 1, Multimedije i Muzičke produkcije BHRT-a za 2017. godinu, materijal Upravnog odbora BHRT-a,
3. Izvještaj o finansijskoj reviziji Radio-televizije Bosne i Hercegovine za 2015. godinu, materijal Ureda za reviziju institucija BiH,
4. Izvještaj o radu i finansijski izvještaj Agencije za poštanski saobraćaj Bosne i Hercegovine za 2016. godinu,
5. Izvještaj o radu Državne regulatorne komisije za električnu energiju za 2016. godinu,

6. Izvještaj o radu Vijeća ministara BiH za 2016. godinu u dijelu nadležnosti Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH, i to: Ministarstva vanjskih poslova BiH, Ministarstva vanjske trgovine i ekonomskih odnosa BiH, osim u dijelu koji se odnosi na uvoz i izvoz naoružanja i vojne opreme, Ureda za veterinarstvo BiH, Uprave BiH za zaštitu zdravlja bilja, Ureda za harmonizaciju i koordinaciju sistema plaćanja u poljoprivredi, ishrani i ruralnom razvoju BiH, Ministarstva komunikacija i prometa BiH, Regulatorne agencije za komunikacije BiH i Agencije za sigurnost hrane BiH,
7. Godišnji izvještaj iz oblasti poljoprivrede, ishrane i ruralnog razvoja za Bosnu i Hercegovinu za 2016. godinu.

Komisija je blagovremeno razmotrila sve dostavljene izvještaje, a Domu naroda dostavljena su mišljenja Komisije o svim navedenim izvještajima, u kojima je Komisija, između ostalog, davala i konkretne prijedloge zaključaka.

Odjeljak E. Imenovanja

Komisija je u 2017. godini razmatrala i sljedeća pitanja u vezi s imenovanjima:

1. Rang-listu kandidata za članove Upravnog odbora Javnog radiotelevizijskog servisa Bosne i Hercegovine iz reda ostalih, akt Regulatorne agencije za komunikacije

Nakon razmatranja na sjednici, mišljenje Komisije blagovremeno je dostavljeno Domu naroda na daljnji postupak.

Odjeljak F. Izvještaji o međunarodnim aktivnostima

U okviru svoje nadležnosti, a na osnovu odredbi Pravilnika o međunarodnim aktivnostima Parlamentarne skupštine BiH, na sjednicama Komisije u navedenom periodu razmatrano je ukupno 28 izvještaja sa službenih putovanja parlamentarnih komisija i delegacija.

Odjeljak G. Ostali izvještaji i informacije

Osim izvještaja o radu, Komisija je u okviru svoje nadležnosti razmatrala i druge vrste informacija i dokumenata, od kojih izdvajamo samo najznačajnije:

1. Prijedlog izvještaja o radu Komisije za vanjsku i trgovinsku politiku, carine, saobraćaj i komunikacije Doma naroda PSBiH za 2016. godinu;

2. Prijedlog orijentacionog plana rada Komisije za vanjsku i trgovinsku politiku, carine, saobraćaj i komunikacije Doma naroda PSBiH za 2017. godinu;
3. Finansijski plan Državne regulatorne komisije za električnu energiju za 2018. godinu;
4. Inicijativa Društva Crvenog križa Bosne i Hercegovine za izmjene i dopune Prednacrta odluke o uslovima i postupku ostvarivanja prava na oslobađanje od plaćanja uvoznih dažbina;
5. Zahtjev Privremene zajedničke komisije za izradu prijedloga izmjena i dopuna poslovnika Predstavničkog doma i Doma naroda Parlamentarne skupštine BiH za dostavljanje prijedloga za izmjene i dopune poslovnika domova, broj: 01,02-50-14-84/17, od 27.2.2017.;
6. Informacija Ministarstva vanjske trgovine i ekonomskih odnosa BiH o mogućnostima obezbjeđivanja penzionog i zdravstvenog osiguranja za poljoprivredne proizvođače u BiH;
7. Urgencija Vanjskotrgovinske komore BiH o provođenju Zakona o carinskoj politici i usvajanju Odluke o uslovima i postupku ostvarivanja prava na oslobađanje od plaćanja uvoznih dažbina;
8. Dopis Asocijacije kablovskih operatera i distributera mrežnih usluga u Bosni i Hercegovini.

Nakon razmatranja na sjednicama Komisije, pripremljeni su i Kolegiju Doma naroda, odnosno Domu naroda (u zavisnosti od sadržaja materijala), dostavljeni izvještaji o stavovima Komisije za svaki od navedenih materijala.

POGLAVLJE II. OSTALE AKTIVNOSTI KOMISIJE

ODJELJAK A. Tematske rasprave

Parlamentarna debata iz oblasti energetske efikasnosti

Komisija je 28.2.2017., u saradnji s Komisijom za saobraćaj i komunikacije Predstavničkog doma, Školom za političke studije Vijeća Evrope u Bosni i Hercegovini (SPSBH) i Njemačkim društvom za međunarodnu saradnju u Bosni i Hercegovini (GIZ) organizirala Parlamentarnu debatu iz oblasti energetske efikasnosti. Na debatu su bili pozvani svi članovi Parlamentarne skupštine, članovi odbora entitetskih parlamenata nadležnih za evropske integracije i za energetiku, te predstavnici civilnog društva.

Cilj debate bio je jačanje političkog i javnog dijaloga u oblasti energetske efikasnosti, kao i daljnjeg razumijevanja direktiva i obaveza Bosne i Hercegovine naspram Evropske unije i Energetske zajednice. Pošto energetska efikasnost dobiva sve više pažnje u javnosti, organizacija ovakve debate predstavlja doprinos predstavnika zakonodavne vlasti na razmjeni informacija predstavnika vlasti i civilnog društva o značaju i potrebi unapređanja energetske efikasnosti u Bosni i Hercegovini. Osim toga, debatom se pokreću aktivnosti na uspostavljanju i razvijanju saradnje između parlamentarnih tijela (odbora i komisija).

Prezentacija “Trenutno stanje u ispunjavanju obaveza Bosne i Hercegovine iz Ugovora o Energetskoj zajednici

Sekretarijat Energetske zajednice, u saradnji s Komisijom za vanjsku i trgovinsku politiku, carine, saobraćaj i komunikacije Doma naroda i Komisijom za saobraćaj i komunikacije Predstavničkog doma, organizirao je 26.10.2017. prezentaciju “Trenutno stanje u ispunjavanju obaveza Bosne i Hercegovine iz Ugovora o Energetskoj zajednici”. Članovi Komisije Sead Kadić i Martin Raguž prisustvovali su prezentaciji, na kojoj su bili i ostali poslanici i delegati iz Parlamentarne skupštine BiH.

Pripremljenu informaciju o održanoj prezentaciji članovi Komisije razmotrili su na narednoj sjednici. Nakon rasprave, članovi Komisije jednoglasno su usvojili zaključak koji je upućen Domu naroda PSBiH i kojim se, između ostalog, traži da se zbog neispunjavanja preuzetih obaveza iz Ugovora o Energetskoj zajednici i, u vezi s tim, mogućih novih sankcija protiv Bosne i Hercegovine u Domu naroda otvori šira rasprava o ovom problemu s ciljem pronalazačenja rješenja.

ODJELJAK B. Međunarodne aktivnosti

Osim redovnih sjednica, članovi Komisije su u 2017. učestvovali i u drugim aktivnostima, a ovdje izdvajamo najznačajnije:

- Učešće prvog zamjenika predsjedavajućeg Seada Kadića na konferenciji o temi: „Nacionalni javni radiotelevizijski servis u Bosni i Hercegovini“, 13. i 14. juni 2017.
- Učešće sekretara Komisije Nenada Pandurevića na sastanku Parlamentarnog plenuma Energetske zajednice, Brisel, 25.4.2017.;
- Učešće prvog zamjenika predsjedavajućeg Seada Kadića na Poljoprivredno-poslovnom forumu Bosna i Hercegovina - Turska, Sarajevo, 26. oktobar 2017.;
- Sastanak s delegacijom Odbora za vanjske poslove, odbranu i sigurnost Senata Parlamenta Češke Republike, Sarajevo, 7. novembar 2017.;
- Posjeta Komisije Nezavisnom operateru sistema u Bosni i Hercegovini, 28. novembar 2017.;
- Učešće sekretara Komisije Nenada Pandurevića na sastanku Parlamentarnog plenuma Energetske zajednice i Prvom parlamentarnom forumu Jugoistočne Evrope o energetskoj efikasnosti i klimi, Beč, 19. i 20.12.2017.


POGLAVLJE III. R E Z I M E

Može se konstatirati da je rad Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH u 2017. godini bio uspješan. Rad Komisije u najvećoj mjeri zavisio je od materijala koje je dostavilo Vijeće ministara BiH, odnosno Predsjedništvo BiH.

Svi materijali iz nadležnosti Komisije blagovremeno su razmatrani, a svi izvještaji, mišljenja i drugi akti blagovremeno su dostavljani predsjedavajućem, odnosno Kolegiju Doma naroda na daljnji postupak.

Osim toga, članovi Komisije prisustvovali su i drugim sastancima i skupovima na kojima su razmatrane teme i pitanja iz nadležnosti Komisije.

Svojim radom Komisija za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH u 2017. maksimalno je nastojala doprinijeti uspješnom radu Doma naroda.



Prilog:

Tabela 1. Pregled sjednica Komisije s tačkama dnevnog reda i prisustvom, 1.1.-31.12.2017.

Tabela 2. Prisustvo sjednicama Komisije, 1.1.-31.12.2017.

Prilog 3. Međunarodni sporazumi

Tabela 1. Pregled sjednica Komisije s tačkama dnevnog reda i prisustvom, 1.1. - 31.12.2017.

Broj i datum održavanja	Broj razmatranih tačaka	Prisustvo članova (%)
28. sjednica 31.1.2017.	12	67
29. sjednica 6.4.2017.	21	83
30. sjednica 3.5.2017.	13	83
31. sjednica 25.5.2017.	10	67
32. sjednica 29.6.2017.	8	83
33. sjednica 17.7.2017.	8	67
34. sjednica 27.9.2017.	9	67
35. sjednica 7.11.2017.	4	67
36. sjednica 7.12.2017.	5	67
37. sjednica 22.12.2017.	24	67
Ukupan broj sjednica: 10	Ukupno tačaka: 114	Prosjeak prisustva: 72 %

Tabela 2. Prisustvo sjednicama Komisije, 1.1. - 31.12.2017.

Sjednice/članovi	Nedjelja Radmanović	Sead Kadife	Mario Karamatić	Ignjen Vlačić	Zabradin Radonić	Mario Kariž	Ukupno
28. sjednica 31.1.	+	-(O)	+	+	-(O)	+	4
29. sjednica 6.4.	+	+	+	+	-(O)	+	5
30. sjednica 3.5.	+	+	+	+	-(O)	+	5
31. sjednica 25.5.	+	+	+	-(O)	+	-(O)	4
32. sjednica 29.6.	+	+	+	+	-(O)	+	5
33. sjednica 17.7.	+	+	+	-(O)	-(O)	+	4
34. sjednica 27.9.	-(O)	+	+	+	-(O)	+	4
35. sjednica 7.11.	-(O)	+	+	+	-(O)	+	4
36. sjednica 7.12.	-(O)	+	+	+	-(O)	+	4
37. sjednica 22.12.	-(O)	+	+	+	-(O)	+	4
Ukupno	6/10	9/10	10/10	8/10	1/10	9/10	43/60
%	60	90	100	80	10	90	72

Legenda: (O) – Opravdano odsutan

Prilog 3: Međunarodni sporazumi

1. Sporazum između Vijeća ministara Republike Albanije, Vijeća ministara Bosne i Hercegovine, Vlade Republike Makedonije, Vlade Crne Gore, Vlade Republike Srbije i Vlade Republike Slovenije o uspostavljanju balkanskih medicinskih snaga;
2. Prvi amandman na Sporazum između Vijeća ministara Bosne i Hercegovine i Vlade Švicarske Konfederacije o dodjeli finansijske pomoći "Program vodosnabdijevanja i otpadnih voda u Bosni i Hercegovini II" – obnova i nadogradnja sistema vodosnabdijevanja i otpadnih voda u općinama Tuzla i Zenica;
3. Amandman broj 1 na Ugovor o finansiranju između Bosne i Hercegovine i Republike Srpske i Evropske investicione banke – Projekat bolnice u RS-u;
4. Sporazum između Vijeća ministara Bosne i Hercegovine i Vijeća ministara Republike Albanije o pomorskom prijevozu tereta trgovačkim brodovima;
5. Aranžman o bespovratnoj pomoći iz programa ORIO za Fazu provođenja i Fazu funkcioniranja i održavanja izgradnje kanalizacione mreže i postrojenja za preradu otpadnih voda u Bijeljini;
6. Prvi dopunski sporazum o finansiranju i projektu u vezi s dodatnim mjerama za obnovu nakon poplava i smanjenja rizika od katastrofa – Program vodosnabdijevanja i otpadnih voda u Bosni i Hercegovini II.;
7. Sporazum između Vijeća ministara Bosne i Hercegovine i Vlade Republike Austrije o saradnji u oblastima kulture, obrazovanja, nauke, omladine i sporta;
8. Međunarodna konvencija za zaštitu novih biljnih sorti od 2. decembra 1961. godine, tekst izmijenjen u Ženevi 10. novembra 1972., 23. oktobra 1978. i 19. marta 1991. godine;
9. Međunarodna konvencija o sprečavanju akata nuklearnog terorizma koju je Bosna i Hercegovina potpisala 7. decembra 2005. godine;
10. Sporazum o osnivanju Regionalnog ureda za saradnju mladih zemalja Zapadnog Balkana;
11. Memorandum o razumijevanju za saudijski grant za izgradnju i opremanje Univerzitetske biblioteke u Sarajevu između Kraljevine Saudijske Arabije i Bosne i Hercegovine;
12. Memoranduma o razumijevanju za saudijski grant za obnovu određenog broja kuća povratnika u Srebrenicu i projekat ekonomske podrške između Kraljevine Saudijske Arabije i Bosne i Hercegovine;
13. Memorandum o razumijevanju za izgradnju i opremanje istraživačkog instituta "Kralj Salman bin Abdulaziz" na Univerzitetu – Sarajevska škola za nauku i tehnologiju;
14. Sporazum o grantu - Projekat otpadnih voda u Sarajevu, rehabilitacija prečistača otpadnih voda u Butilama;
15. Izmjena i dopuna Sporazuma o finansiranju za "Tehničku pomoć za farmu vjetra Vlašić - Travnik BiH";
16. Sporazum o vojno-finansijskoj saradnji između Vijeća ministara Bosne i Hercegovine i Vlade Republike Turske i Implementacionog protokola u vezi s finansijskom pomoći;
17. Memorandum o razumijevanju između Vijeća ministara Bosne i Hercegovine i Vlade Republike Slovenije o saradnji u oblasti turizma;

18. Sporazum o izmjenama i dopunama Sporazuma o zapošljavanju državljana Bosne i Hercegovine u Republici Sloveniji i Protokol o izmjenama i dopunama Protokola o provođenju Sporazuma o zapošljavanju državljana Bosne i Hercegovine u Republici Sloveniji;
19. Sporazum o finansiranju za Interreg IPA CBC Hrvatska - Bosna i Hercegovina - Crna Gora 2014.-2020.;
20. Pismo pristupanja Sporazumu o finansiranju između Evropske komisije i Vlade Republike Srbije u pogledu izvršenja Akcionog programa prekogranične saradnje Srbija – Bosna i Hercegovina za 2014. godinu;
21. Protokol uz Sporazum o stabilizaciji i pridruživanju između Bosne i Hercegovine, s jedne strane, i Evropskih zajednica i njihovih država članica, s druge strane, kako bi se uzelo u obzir pristupanje Republike Hrvatske Evropskoj uniji;
22. Sporazum o finansiranju programa aktivnosti prekogranične saradnje Bosna i Hercegovina – Crna Gora za 2015. godinu;
23. Sporazum između Bosne i Hercegovine i Rumunije o izbjegavanju dvostrukog oporezivanja i sprečavanju utaje poreza u odnosu na poreze na dohodak;
24. Sporazum između Vijeća ministara Bosne i Hercegovine i Vlade Narodne Republike Kine o uzajamnom ukidanju viza za nosioce diplomatskih pasoša, službenih pasoša i pasoša za javne poslove;
25. Sporazum o zajmu - Projekat modernizacije sektora za puteve u Federaciji BiH;
26. Dopuna broj 1 Sporazuma o finansiranju koji se tiče državnog programa za Bosnu i Hercegovinu u okviru komponente programa IPA – pomoć u tranziciji i izgradnji institucija za 2013. godinu;
27. Konvencija o zaštiti migratornih vrsta divljih životinja, Bon, 23. juni 1979. godine;
28. Sporazum između Vijeća ministara Bosne i Hercegovine i Vlade Republike Srbije o međunarodnom drumskom prijevozu putnika i tereta;
29. Sporazum između Vijeća ministara Bosne i Hercegovine i Vlade Ruske Federacije o reguliranju obaveza bivšeg SSSR-a po obračunima u vezi s robnim prometom između bivšeg SSSR-a i bivše SFRJ;
30. Ugovor o zajmu - Projekat Koridor 5c 2 - nastavak;
31. Ugovor o zajmu - Luka Brčko;
32. Sporazum o statusu i funkcioniranju Međunarodne komisije za nestale osobe;
33. Sporazum s Vladom Savezne Republike Njemačke o finansijskoj saradnji u 2013. godini;
34. Otkazivanje Konvencije broj 45 o podzemnom radu (žene) Međunarodne organizacije rada iz 1935. godine;
35. Ugovor o finansiranju - Bolnice u RS-u - B;
36. Sporazum o saradnji između Vijeća ministara Bosne i Hercegovine i Vlade Crne Gore u procesu pristupanja Evropskoj uniji;
37. Sporazum između Vijeća ministara Bosne i Hercegovine i Vlade Republike Poljske o vojnoj saradnji;
38. Sporazum o zajmu - Projekat podrške zapošljavanju;
39. Sporazum između Vijeća ministara BiH i Vlade R. Makedonije u procesu pristupanja Evropskoj uniji;

40. Amandman broj 4 na Ugovor o finansiranju zaključen između Bosne i Hercegovine i Evropske investicione banke – Željeznice u BiH II.;
41. Protokol kojim se dopunjavaju i mijenjaju određene odredbe Sporazuma o zračnom prijevozu između Vlade Države Katar i Vijeća ministara Bosne i Hercegovine;
42. Sporazum o investicionom grantu - Koridor 5c "Izgradnja dionice autoputa Svilaj-Odžak";
43. Izmjene sporazuma o grantu Fonda za globalni okoliš - Projekat I. smanjenja okolišnog zagađenja Jadranskog mora;
44. Amandman broj 1 na Ugovor o finansiranju za Projekat „Autoput Banja Luka – Doboj“;
45. Međunarodna konvencija o mjerjenju tonaže brodova iz 1969. godine (London, 23. juni 1969.);
46. Ugovor o zajmu - GrCF: Projekat „Vodovod Sarajevo“;
47. Sporazum o saradnji u oblasti obrazovanja između Ministarstva civilnih poslova Bosne i Hercegovine i Ministarstva obrazovanja Narodne Republike Kine za period 2016.-2019.;
48. Sporazum o zajmu - Zajam za razvojnu politiku javnih finansija;
49. Amandman na Okvirni sporazum o kreditu za finansiranje projekta zatvaranja kolektivnih centara;
50. Amandman na Okvirni sporazum o kreditu za finansiranje projekta jačanja sektora zdravstva - faza 2;
51. Ugovor između Vijeća ministara Bosne i Hercegovine i Vlade Republike Hrvatske o evropskom partnerstvu;
52. Sporazum između Bosne i Hercegovine i Evropske unije o učešću Bosne i Hercegovine u "Trećem programu za djelovanje Unije u oblasti zdravstva (2014.-2020.)";
53. Sporazum između Vijeća ministara Bosne i Hercegovine i Vlade Republike Hrvatske o uzajamnoj zaštiti tajnih podataka;
54. Sporazum između Vijeća ministara Bosne i Hercegovine i Vlade Republike Hrvatske o saradnji u oblasti turizma;
55. Nota sporazum o finansijskoj saradnji između Vijeća ministara Bosne i Hercegovine i Vlade Savezne Republike Njemačke za 2016. godinu;
56. Amandman na Sporazum o grantu u vezi s Regionalnim stambenim programom i u vezi s trećim potprojektom u okviru Programa stambenog zbrinjavanja u Bosni i Hercegovini;
57. Sporazum o finansiranju za program Interreg V-B Dunav;
58. Amandman broj 1 na Ugovor o finansiranju – Hitna pomoć u slučaju poplava i prevencija A;
59. Fakultativni protokol uz Konvenciju o pravima djeteta koji se odnosi na postupak po predstavkama;
60. Sporazum između Vijeća ministara Bosne i Hercegovine i Vlade Crne Gore o kolokaciji diplomatsko-konzularnih predstavništava;
61. Sporazum između Vijeća ministara Bosne i Hercegovine i Vlade Savezne Republike Njemačke o razmjeni i obostranoj zaštiti tajnih podataka.

